

四庫全書

集部

欽定四庫全書

遵巖集卷六

明 王慎中 撰

七言律詩

萬壽節侍班奉天殿東丘集齋侍御二首

風生露掌集祥烏
雲耀紫清五色殊
宮扇徐開蟠雉尾
爐烟高裊繞龍樞
燎移百辟珮環列
星落千門簇伏俱
虛薄自慙違補袞
瞻依叨從劾蒿呼

雞籌魚鑰漏聲催鳳闕龍樓拂曙開五色祥雲扶北極
萬年天子在中台仙人樂奏鈞天上王母桃從瓊水來
獨進千秋金鑑錄侍臣不愧九齡材

元日侍班奉天殿

王正元日新堯歷天子明堂拱舜衣仙樂同鈞諧鳳奏
文星合璧抱龍旂雲間闔闔鳴珂入風轉爐香惹袖歸
三載郎曹淹赤紱尚慙補衮寸心違

三日偕容臺諸僚友遊大慈恩寺登鏡光閣即

席賦

驚峯飛宇孤逾麗鳳甸晴煙翠欲重北海霜冰虛暖氣
西山雲樹散春容殊方天地愁目盡此日登臨新歲逢
況是携遊俱俊逸但教得醉任萍蹤

四日陪夏桂洲學士南郊觀牲

皇州風轉翠雲遊光湧南端璧月流珠樹靈壇春漠
漠尚芻御廩夜幽幽天迴淑氣蕃蘋犢苑靜繁星散旆
騶視滌逡巡移劍履明禋優渥動宸旒

送鄭滁州

與子避居潞水上憶在東曹詩興多
二月風煙辭省闥
三吳書劍阻關河
花明江驛下帆影棹入滁陽近楚歌
此去琅瑯堪吏隱
醉翁亭古發煙蘿

同郭水部子愚東郊相土因遊邵氏莊

郊行不廢觀遊興
戚里園中事事幽
變幻羣峰開華岳
霏微五月動清秋
風來繡戶聞啼鳥
雨溢金塘聚浴鷗
杖策况隨滄水使
解纓長羨白蘋洲

寄贈寇體朝進士尹廣平

羨爾獨隨飛舄去邑人遙望雙鳴騶
郎星天近輝昴野
薊闕雲生接冀州
潞水署香曾對酒
朔塵官况復經秋
少年作宰定嘉績
千里相思罷倚樓

送黃後溪守潁州

仙郎粉署有聲華
五馬鳴珂出帝家
漢室淮陽還去國
王尊蜀郡並驅車
煙塵晝靜天邊癘
霜雪春行江上花
此去何須愁道險
薄遊今已困風沙

至昌平有感

遠郊風葉點人衣，近郭危樓敞暮輝。
山迴龍虎皇輿壯，馬放騊駼戍鼓稀。
日月行藏玄鳥逝，關河感慨白雲歸。
時平守帥休空喜，莫使燕雲羽檄飛。

朔日昌平城登覽二首

上谷孤城對水濱，滿城冬旭裊煙氛。
天開秦塞饒黃草，路入皇畿長白雲。
萬里烽煙代野至，五陵佳色壽山分。
四夷自古明王守，勒邊誰數李將軍。

宿雨山城淨曉暉高樓臨眺思依依
仙人掌上雲初散白馬關西雁自飛
古木寒鴉啼朔霧荒陴遲日上征衣
天山直北誰傳箭目斷秦兵未解圍

望居庸

天山九塞有居庸設險功誇六郡雄
山連白馬懸邊月寨壓黃花多朔風
未報捷書飛大內尚聞獵火照雲中
北平飛將今誰是東南芻輓已無供

悼陵陪祀

絕壁丹流萬葉紅
秋峰長鎖翠華宮
愁雲玉坐松楸裏
落日金鋪霜露中
鳳葆虛留栖漢月
鷄鳴無復賦齊風
聖情追遠遙悽惻
冠舄趨陪百職同

泰陵

敬帝垂裳上造日
遐荒扶杖中興時
宵衣午坐蒼生繫
國論邊愁大老知
四海未消虞陟淚
千官尚想漢宮儀
鼎湖惆悵空龍馭
瀚海風生萬壑悲

望陵

本朝陵墓枕天山，巖嶒護靈虎豹閑。
入夜梧楸時浙瀝，飛泉礧壑晚潺湲。
龍藏萬里蟠王氣，象衛千秋控帝關。
瞻望不勝埃滴意，嚴趨神路珮珊珊。

功德寺觀三官感懷二首

丹梯翠壁鬱煙霄，宣帝行宮鎖沈寥。
牧馬池荒殘百草，釣魚臺古長青苕。
宸遊夢到華胥上，仙仗巡非汾水遙。
曉向危樓瞻氣象，雲端佳色護岩堯。

憶昔宣皇遊幸初，時看水艦戲西湖。
江花海石藏秋浦，

雜珮華裾駐玉輿
天地百年殊感慨
日月三殿自虛無
登臨欲下牛山泪
檜栢吟風夕照孤

望湖亭

望湖亭倚碧山隈
不盡長天萬里來
水濶槎從雲際泛
波涵仙是鏡中開
霏霏曙靄芙蓉落
宛宛晴沙鷺鷥迴
垂釣解纓本吾事
臨風把酒興悠哉

龍潭

卧龍潭在碧山岑
噴沫蟠渦自古今
隱隱蛟蜃逃靈氣

時時風雨激高吟，青天日月懸相映。
白晝雲雷黯自陰，會見九霄噓黑霧。
即看四海望佳霖。

呂公洞

高頂可憐呂公洞，礪砢危石相住撐。
根豁一門山欲斷，泉流四壁晝常清。
險絕故須秉燭入，蒼茫祇恠傍雲行。
藏虹蟠蠅理或有，冥搜恐觸神物驚。

碧雲寺晚飯

近郊蹙踏已塵跡，抱郭清切復禪樞。
斜陽古殿鴉亂集，

積水短蒲鶴並呼客病正宜依梵寂情超直擬仍仙都
憐爾風松故相憂倚此煙茅絕可誅

出碧雲寺道中望香山

迴馬已失碧雲寺舉目還望香山陞峰巒近日秀可結
樓閣棲雲深不移靈帝翠旗颺欲下仙人玄鶴飛相隨
瑤花瑤草如可得青藜白簷任所之

登圓靜寺後山攜張子汝思

策馬清隨滄水吏捫蘿幽到碧山岑最憐絕壁流霞氣

況有澄湖清客心
落木蕭疎明遠近
行雲縹緲靜高深
靈芝紫巖亦吾分
石髓丹砂與爾尋

宿碧雲寺

杖藜日晚尋丹壑
解騎霜晴宿碧雲
十月懸泉飛玉瀑
三天現鏡轉金輪
雕梁曲檻蒸霞氣
翠瓦朱甍墜露紋
石櫛牛山俱有恨
長留涼月照瞿曇

宿混元靈應宮

玄宮東瞰皇畿迴
碧水西滌漢甸斜
初月清懸仙子洞

歸雲深擁羽人家珠林招近千年鶴瑤篴分探九鍊砂
未駕青牛凌紫氣且乘白鹿住丹霞

鎮國寺與張子對酌夜談

松枯枝團廣岫陰仲冬涼月靜蕭森青山白水隨生事
高榻芳尊共解襟畫省香煙空入夢遠公白社許相尋
依栖擬問三天法長嘯真懸萬里心

贈王仁和邑博

廣文先生笑索居越中勝事定何如雲峰對席惟耽酒

芳草閉門足著書觀海秋濤天地浴彈歌夜缺斗牛虛
旅山寂寞梅花晚遲爾六橋白鹿車

病中呂從野水部邀不赴賦謝

宮雲曉度濕晴沙退食煙齊省樹鴉燕闌春回催玉羽
鳳墀日暖映金花文園不起茂陵卧朔雪虛迴剡曲槎
綺席瑤觴違命賞露蘭風草惜年華

病中謝鳳儀過訪

一春卧病長安裏伏枕荒齋嘆索居風動蓬窻依玉樹

雲傳仙侶駐瓊裾宣城鄰並違下榻司馬窮愁錯著書
四海兄弟吾與爾霞冠月舄未應疎

送阮仁化邑博

庾嶺雲深君獨往曲江風遠故遺思風流苦憶青瑣在
身世難忘白髮欺阮籍沉淪元嗜酒鄭虔糟散亦能詩
行歌莫近啼猿樹宦隱真堪采藻池

送黃長興尹葵峰

兩年見子開青眼萬里共依帝闕雲剖竹新分鄣子國

攜琴遙向越江濱
青春黑綬光堪拂
落日離歌調忍聞
雪水峴山多勝事
風塵愁望正思君

金山雜詩八首

崔嵬樓殿俯金山
窈窕亭臺引玉泉
羽獵連屯萬虎士
水嬉齊奏六龍船
徵歌樂選燕秦伎
聽法筵參摩遁禪
宣帝巡遊甘脫屣
侍臣扈從總登仙

武帝乘輿駐翠微
西山重見五雲輝
羌兒掣馬行營疾
校士射蛟水檄圍
霞氣如臨仙醴瀉
泉聲故近御筵飛

至今草木遺光寵日暮遙瞻冉冉暉

沓嶂迴巒莽不分紫煙蒼靄晚氛氲樓臺拔地千層起
鐘鼓中天四壁聞畫棟雕甍回日月曲池伏竇定風雲
高僧盡住黃金宇護勅並鐫睿藻文

康定陵前栖夜烏盤林鬱鬱鎖松梧總聞再造開邊境
不見千官拜鼎湖內使司香開寢殿祠臣常祀掃金鋪
翠華縹緲空中度絳節靈應羣帝俱

珠奩玉盤扈繁芳遺令千秋祇自傷落月恍聞環珮

響陰風猶散綺羅香
蘭蘅湖上疑湘浦
雲雨峯頭似巫陽
寂歷羣山花自發
為看當日倚新妝

累累青塚碧山隈
銀海銅泉中映迴
百歲吳閭寶釵出
一朝茂苑玉魚來
牛羊晝下新樵徑
牧豎夜窺舊鎖臺
又道東阡營石槨
路人徒有雍門哀

青郊迤邐接城闌
湖水西來繞御津
錦里豪華紛轉日
芳原池館錯圍春
金堆石谷朝專寵
玉瀟盧塘帝近親
三輔選遷元此地
五陵俠貴定何人

西山巖嶭奠金方白帝精躔龍走藏水學澗伊縈洛邑
原開鄜杜壯咸陽雲霞氣結青蓮宇粳粳脂流碧玉光
恒鎮滹濤天地險湯池金郭帝王邦

春日
和夏桂洲尚書韻

仙萸二葉耀春明御柳含煙拂錦城北海鯨水衝氣動
西山霞樹入看平旂迎周甸輝龍藻樂下堯庭雜鳳聲獻
歲栽花光聖壽晞暘歌舞應時清

附見
夏尚書作

二月逢春春日明鮮雲旭日冠高城千官表拜當華歲
萬國朝元賀太平水岸煙濃將柳色花林風暖欲鶯聲
承恩未獻椒盤頌佩玉瞻星下紫清

春日東郊二首

仲春郊時望春來待鳳城東旭日開錦里恩輝多邸第
青陽氣色滿樓臺遷鶯出谷風徐應變柳分林霧暗催
熙澤幸逢羣物泰全生竊荷大鈞裁

花外雲煙接禁長東郊風日麗新芳飛峰冒靄全低樹

遶澗分流半入塘
角戲游塵遙辨陌
探丸俠騎競趨場
迨時行樂須華盛
碧草萋萋不可忘

東郊朝日壇

扈扈崇壇冠景崗
翔梧灌梓鬱分行
金鋪翼鳳層壇列
玉磴疏龍四陞張
雲氣承暉皆赤色
靈坻郊位正青方
欲觀聖製光宸極
為識羣心奉太陽

奉祈於朝天門迎詞

漢主齋居太乙壇
方春修祀表祈年
祥虬扶籙交仙葆

青鳥叩書近法筵尚璽親承蒼玉案羽師跪授紫泥編
長奉光天神道教登釐無謝福為田

春日觀南城同禮曹諸子三首

城南林園窈窕迤雲裏樓臺互蔽虧半綴朱欄千品實
全交繡戶萬年枝河流倒接星潢注峰起如將日觀移
在昔躍龍餘聖跡於今試馬耀乾詞

離宮往往像神仙誰擬甘泉起漢年復道橫看連象緯
曲房深轉貯雲煙穠花齊發粧靈囿雜樹分榮蔭御川

但覺觀遊皆出世不知劍舄已昇天

朱曦禁苑盡芳菲傳道神遊轉翠旂製拱珎金丹鳳絢
疏橋累玉素虹飛風泉數處歌絃合花萼千名錦繡圍
正覩乾行行幸處修恩無地不光輝

東昌題任元樸御史園

選地幽棲近水湄野人爭席鳥忘機垂柳裊裊供書帶
蔓薜青青取製衣不學蔣園延客少却嫌鄭谷受名非
任公本擅投綸術可以方壺作釣磯

謫毘陵發都下

臨岐南北垂雙淚誰識楊朱失路嗟在野自疑非虎兕
此身已解作龍蛇壯圖中失逢時感竢罪南遷拜惠嘉
恩予晉陵猶不遠其如卑濕類長沙

至晉陵

本因懷璧自招尤覆水成泥豈再收行澤却防漁父問
入山恐負晉君求束書長嘯辭京邑捧檄逡巡到本州
入境棲棲誰解者傍人應謂一官謀

在郡作

憶從束髮通朝籍才薄遭時報効賒
直木孤生先得伐明圭太潔易成瑕
朝天路絕辭風葉去國身輕失水查
竄逐元非明主意啣恩不忍赴懷沙

月夜同姚在明濟上觀水

盈科流水濫湯湯映月涵空更可望
泌沸千淙珠比色澄泓一曲鑑為光
遙遙銀漢微分景宛宛金隄與障狂
取適有同蒙吏傲無攜患子在濠梁

贈郭水部郎中治河

河出崑崙決孟津司空治水智如神
下楫欲濯淇園竹荷鍤皆徵韓國人
玉堰七星遙證斗金堤千里不飛塵
若逢漢帝來沉璧應免從官助負薪

彭城送謝道安舉人應試

少年挾策趨上京俊美多才衆所榮
稷下雕龍叅辨駕郢中白雪擅詩名
他鄉不料逢論舊臨水那堪復送行
旅竄慚予非狗監聞君已賦子虛成

江上送毛太守入覲因寄舊遊三山諸友

念別須臾已歲餘忽逢江上意何如心悲不語傷時事
眼看雙分畏簡書遠水片帆天際沒晴窓古木岼邊疎
故人相見倘相問芳草閒門是謫居

留都二首

徒然往日矜佳麗地作天開祇在斯吳楚荒郊奄作苑
江淮流水即為池人誇才藻稱三傑家應星文置百司
太息六朝詞賦客芳徽空想盛全時

帝京歌舞盛歡娛表裏河山樂事俱金埒藉茵遙出郭
朱樓照水蔭通衢妖氛洗後江長靜王氣生來地盡蘇
若使墨卿稱主客不論漢室有西都

恭覲留都大內作二首

壯麗誰言漢未央鉤陳華蓋翼明堂千門旭日光分映
雙闕中天勢欲翔前殿曾聞臨遣帥離宮屢是從諸王
微臣已恨生時晚拜手徒思頌太康

欲知開造與天侔聖跡難尋帝業留苑外河山紛錦錯

城中樓闕若雲浮深宮紅樹春長閉高掌金盤露不流
常現瑤空雲五彩曾隨仙仗奉宸旒

春日行觀禁中高皇帝舊苑二首

千門臺殿碧波流咽盡寒聲出御溝天上橋山仙馭遠
人間圓嶠禁城幽花狂不記當筵舞魚巨曾經聽樂遊
垂柳依微春不展為思恩幸半含愁

芳菲御輦屢經過寂寞於今歲月多草色猶如思望幸
鶯聲尚解轉當歌更衣帳冷空瑤殿窺鏡臺荒咽玉河

太液宮前舊池水年年春雨長新波

寄贈黃宗獻守瑯州兼柬顧與新憲使

主恩懷遠托分憂萬里乘空并是遊
百室日南開北戶孤城海上俯中流
津橋喧處為珠市郡國晴時見蜃樓
持斧風流賢使者政成觴詠接諸侯

送郭世重出守南寧

朗寧荒絕不堪栖遊客思鄉轉路迷
千嶺驟昏如瘴起四時不斷有猿啼
編氓半是居蠻洞行路相言避毒溪

千載播遷仍寘遠好憑鬼卜問南雞

幽居翫雪東人二首

肅肅玄陰冬布令紛紛白雪晝凝華明姿敵日堆難散
弱質凌風舞易斜楚地有田皆種玉寒空不樹自飄花
此時正憶離居者贈把瓊英比折麻

江城雨雪及春歸三白呈祥表應祈

時禮部祈
雪雪降

皜素凝

華因地積輕盈弄出關風飛千峰掩翠皆同色四野垂
陰倍有輝獨羨仙郎操妙曲聲高真使和人稀

移居

栖栖微祿豈謀身擾擾移家學避人
高柳欲栽當外戶
青山依舊借東鄰
門無車馬何須僻
窓映圖書不為貧
籍繫中朝心在野
誰知陸地有沉淪

高祠部子逯訪予告中值予出遊不在見投贈

章聊用奉酬

因病相侵却得閑一官方在是非間
身同雲出無留處
住近城陰獨掩關
高士已題鳳字去
野人空共鳥飛還

間窓寂寂春光早惆悵清揚不可攀

出遊城南山寺

一官常懶愛僧閑來往禪機每扣關綠柳閉門空自長
白雲出岫不知還欲牽簪紱奈微力豈少鷺花非故山
那似匡廬為社者投師不遠栗林間

遊朝天宮

蓬萊元自道家山簾戶陰陰珠樹閑乞向朝中除仕版
却來方外看仙班花間犬吠知人至空裏鶴飛為客還

一扣玄關回念想因悲擾擾在塵寰

登江東城樓

花片飛飛柳色深登樓一倍攬鄉心長隄煙草迷人去
遠寺夕陽帶磬沉江水無風時起浪春雲不雨每成陰
躊躇滿日時相會惆悵前林倦翼禽

春日懷歸

東風送煖雨晴春柳色鶯聲滿四鄰道勝自然千慮捨
身閑何戀一官貧朝來廢櫺看山色日裏局扉避世人

豈有微才逢聖代空令失計遠嚴親

遊天界寺逢蔣南冷子雲留贈

香林新雨四無塵綠樹初齊古寺春
病起獨尋芳草路林中偶接放歌人
未酌談笑形相得稍問姓名意已親
落日還歸城闕去愧君雲水一閑身

請告弗允赴省作

腰章束帶不勝羸還顧自身却自疑
田畝難忘平子賦雲山也笑尚書期
出門騎馬逢人懶曳組升堂畏鶴知

舍裏青青草待若為留色慰幽思

請告弗允後寄蔡比部道卿

無才豈料乞身難強學城東且閉關
世事浮雲機久息故園芳草夢空還
春裁藥品因多病日理圖書轉覺閒
不得自矜年少壯相思一夕損紅顏

省中

古木陰多鶯亂移白雲不去伴留司
侵堦草長閑終日拂印塵深鎖幾時
散地菲才容吏傲低頭寸祿令人悲

頗耽恬曠頻敬枕僕從翻嫌出省遲

哭梁宅之

天道蒼茫不可知重泉寂寞所從誰祇餘蘭氣芳華省
獨有螢光識敝帷無使求書忘舊草何人脫劍贈枯枝
蕭條落日聞鄰篴淚盡無由世上期

和李司業懋欽登廬山石耳峰讀空同先生之

詩作

同聲殊世易懷思惆悵風流不在茲真蹟愛從苔刻認

舊題多是野僧持張衡不負揚雲待屈子能令宋玉悲
流落當年何足恨斯文今見後賢知

李詩有誰令流
落明時去之句

題箬溪草堂贈顧中丞

箬溪溪上箬陰繁主人葺箬卜溪源近市荒惟三畝宅
負城幽是一丘樊雨滋蘭蕙看成畹徑長蓬蒿漸塞門
大德如今俱小隱壯懷相對欲何言

夾浦舟中別李湖州邦良

簾篁夾岬似湘陰一夕孤舟千里心地遠誰憐臣道枉

官貧轉使故交深幽蘭自馥皆同臭折羽卑棲各異林
臨路殷勤何所贈匣琴珍重少知音

游茆山贈兩道士二首

厭世歸心大洞天玉皇按籍許為仙身飛金策朝元去
手捧瑤篇拜闕旋白日鷄鳴霄漢裏古時杏拂羽幢邊
自言棄跡方成道枉誦從前內外篇

尊師得道貌如童追躡岑峯但使風毋道姓名千古上
時聞笑語五雲中開山指顧逢秦禪行洞應知與蜀通

憂患相仍無疾病願祈一粒發凡蒙

宿茅山栖霞道院

涼月高松翠影長石壇陰洞映蒼蒼山煙發氣鄰丹竈
澗水流芬漱藥牀靜見道心生白室閑披仙籙檢青囊
投身未卜他年計明禱茅君一瓣香

游茆山東唐太史應德本與唐期往而予不能
待因以嘲之

聞有人間不死庭遂歌招隱浩長征巢鶴青松年共老

經泉白石色無清神君跡化名空在幽洞花深客自行
為語稽康仙分薄縱逢石髓也難成

寄題吳興吳太僕園亭

吳興本是佳山水况復名園選勝開曲引苕溪來漲沼
平分峴石作層臺琴書數處無塵事花鳥三春有酒杯
他日南尋天目頂因君清暇得徘徊

餘干李春江先生致魯國左相而歸先生昔貳
泉郡予方髫年在諸生中最荷獎識展拜感

舊情見乎辭

登堂懽宴挹沖襟為問先生邇在林
晚愛溪山輕相印日邀里族費家金
門前流水心俱遠市裏囂塵跡自深
却憶受知童子日徒然長大祇如今

寄陸憲使選之李提學雅大田叅知叔于三君
昔同禮曹今居官嶺外

端居離索嘆盈襟却記當年寵遇深
抽筆每叅原廟對橫經曾侍辟雍臨
恩私難恃看孤跡職事無稱抱寸心

嶺鴈江魚俱寂寞相思何處寄同音

送陳中川之汴藩雪中作

衣冠出餞曉匆匆白雪紛紛灑應空
皜素明姿偏敵日
輕盈弱舞不因風
裊塵故為迎新隼
飛片猶如點舊驄
獨把瑤華當別贈
清輝瑩質與君同

題將軍遊騎卷

青青細草滿平原
故將飄零馬足閑
春日朱樓垂首過
暮雲赤坂獨身還
偏裨各散他門下
歌舞盡銷舊帳間

明月琯弓閑在臂不忘掛箭出天山

送宋龍門行甘州太僕

磧路蕭蕭關樹微君行萬里事戎機忽到河源知地盡
試登隴首見人稀時平塞下降羌靜野曠秋餘牧馬肥
却笑漢家求大宛貳師再出只空歸

論文示門人方元煥晦叔

琴名綠綺舊曾攜柱是連城明月輝曲裏其人如得見
彈來於世肯聽希終身已分長拋擲拭目聊為一取揮

傳得廣陵真散後莫令手指與絃違

樂平道中暮宿田家

風雨蕭蕭僕馬煩客身寂寞託空村
深聞夜杵應傍舍靜對寒燈獨掩門
難竟孤眠尸吏媿猶慙一飯野人恩
晨興欲問田家樂官騎催程不得言

德興道中東陸毅齋憲使陸君昔同在禮部

客意悠悠忽自悲客臺憶共奉恩暉
春城柳色趨朝入天路香煙扈祀歸
官冗方知思昔遇途危猶未覺今非

舊遊零落俱何處
職事逢君得暫依

臨川郡樓張都閫招飲

樓閣崔嵬俯一州
當樓置酒楚天秋
參差梅柳軍中樂
高下溪山城上遊
席照滿輪宜取醉
林飄一葉正關愁
銀瓶頗怪傾難盡
曾換將軍舊紫騮

中州道院夜宴

孤舟宛在水中央
仙洞深深草木香
林下鶴行隨得路
徑邊蘿蔓過宵裳
興來斟酌瓊漿瀉
吟罷參差玉樹蒼

白露滿天河漢淺還城燈火一川長

逢鄭廣文先生

童年釋菜及門牆在泮常依芹藻芳座上談經分半席
齋中鳴鼓接餘行徒持章句貪干祿獨守簿書媿省方
十五年來音問濶何期今日復升堂

贈郭僉事以亨起復入京

風塵淪落故交忘水上相逢益自傷持牘空慙勞吏道
操觚終念戲詞場須臾握手王程迫牽引離心江路長

此去帝鄉應似客除書不省出何方

江千春評事使南昌予適以事行部豐城走筆

寄贈江雅善鼓琴因以琴為賦

古琴宛轉作龍形絲白桐堅各有名桐出嶧山孤幹植
絲從天漢七襄成何言異質元同調不是知音豈發聲
水綠山空清夜裏如聞別鶴兩方情

予行部豐城建安李君時言往提督滇南道出

茲邑相見甚懽君出高文見示稍為論訂遂

及性術之辨最多往返

一從為別苦無懽汨汨交遊意不存此道常遭下士笑
將心懶向世人言斜陽萍水逢攜手深夜蘭燈惠討論
不悟當筵忘肉味含情相對似窮源

廬山

衣袂翩翩接鳥翰營迴磴道出千盤峰巒拔地紛殊態
樓閣中天起壯觀斜日色開三楚秀微雲陰散九江寒
將同名嶽期終老且向匆匆客裏看

春雪同省長諸公讌集

絳燭燃霄深院闌
廣庭積雪不生寒
春聲笛裏梅花落
夜色杯中竹葉乾
坐上拂衣先起舞
燈前改席更留歡
人生分合無衰健
今夕須知一醉難

宿天池寺示同遊薛仲常

在世多憂坐自拘
微官未得惜馳驅
因尋絕頂逃人跡
偶滯高齋減病軀
理髮晨光窺石鏡
焚椒夜氣對香爐
一心生滅元無取
不語但應爾與吾

石鏡香爐
俱峰名

宿天池寺明日下山寺僧相留予愧其意爰題

西壁

陰陰松竹覆層巒
若深開曲徑寒樹裏
燈緣傳法現林間
花是講經殘
窻臨石鏡天長曉
門掩珠簾夜欲闌
釋子相期無以答
未除妄想為微官

登佛手巖屋角嶺諸山

緣崖百轉幾經休
迴複千峰晚氣浮
路絕見僧行樹杪
猿鳴呼客入林幽
平看珠斗懸燈影
俯瞰明河激澗流

頗似謝公高簡性領州不自廢山遊

由大林寺尋講經臺因循香爐側下山

十尺飛蘿手自援鳴泉數處弄潺湲半峰栖霧逢僧濕
絕徑穿雲見虎閒岸幘正宜巖石上褰衣時傍竹林間
夕陽翠巘看尤好去路心知是下山

暮雨投圓通寺宿

野色蒼蒼遠寺微因聞鐘梵起歸依僧閒正伴谿雲返
客倦偏逢夕鳥飛一院燃燈通暗路滿空香雨沐塵衣

齋心願學無生理漢綬嬰身嘆跡非

得舍弟道原書欲來豫章久而未至

報書省我喜終朝日日相望正寂寥尺素翻疑魚腹幻
寸心真惜雁行遙夜長絳蠟花空艷秋色芳池草已凋
愁極欲將荆樹植連枝照室免蕭條

除夕示原弟卧病

深夜殘爐火剩紅如灰一念懶書空欲歸舊里時難決
未遂初心歲又窮寒色暗消燈焰裏春光細入漏聲中

客居寂寞真憐汝骨肉情親病亦同

元日於藩省祝賀述懷柬徐少湖太史

蒼蒼寒色滿嚴城霜露樓中刻漏清
煙雜燎光看曉淺風搖燭影覺春生
壯心已謝鷓鴣侶病齒空餘狗馬情
才薄本宜長遠斥問君何事厭承明

送袁生應樞攜室入京覲省嚴介溪宗伯袁生
宗伯之婿

青青春色起平蕪客路攜家正可娛
雪映船窗開卷用

風吹江水掛帆須丈人已立中朝岳愛子真還合浦珠
借問南宮趨侍處何如片玉在冰壺

送孫豐山叅知入賀明堂大享禮成孫與予先

後為禮部

送君南浦思翻飛前後為郎入禮闈直以遊談叅制作
更持文史答恩暉周南跡滯臣心遠汶上圖興帝道輝
舊賦甘泉還有筆好將再染奏垂衣

送方伯庄僉憲入賀明堂禮成

豫章解纜雪晴消計及長安淑景遙垂柳新陰看向苑
啼鶯初曉喚趨朝心同江水知歸海身在釣天喜聽韶
左个春開應有問何如衢室帝為堯

月令春居
明堂左个

遣興

生平不省緣何病日夜憧憧抱百憂自向心中除害馬
便將身外等虛舟好閒幸爾遭無事寡援寧須請絕遊
竊比前人為祿隱不妨世上且沉浮

再至德安公署

為官懶拙本無稱樂業田閭寡訟爭閑署簿書終日靜
孤城草木及春榮行庭最愛蒼松色隱几翻嫌鳴鳥聲屢
向此中民不厭年來自哂近人情

錢侍御出遊東林予留江州城中阻於陪從作
此奉東

達人瀟灑樂煙霞自向東林問楞伽脫却繡衣掛貝樹
更騎驄馬踐香花坐中山色夕陽亂門外溪聲春水加
城郭匆匆多事者愁看遙嶽片雲遮

錢侍御宿天池寺疾作召醫予屬有事不及往

問以詩代柬

聞君耽卧南山阿為戀繩牀起病魔法鼓揚聲生寂滅
香池涵照洗煩疴翻經半與方書雜飛靄偏從枕席多
問訊有懷難自往空令示寂作維摩

送趙教授志貞

居藩寂寞久無歡聊為伊人一解顏嗒然語合形骸外
去此交存神氣間共指馳驅循大道更期著作副名山

一尊臨路情難盡
原草含黃暮雨間

移官河南報至作

赤雀翩然銜尺書
書中忽報有新除
世榮已付浮雲外
生意翻為腐草餘
悔把青黃災斷木
却教鐘鼓饗爰居
一官虛謬頻遭調
寂寞揚雲愧不如

過劉實夫墓下作

斜陽片景水潺潺
堪歎先生永閉關
寂寞一坯埋白骨
蕭條幾樹掩青山
不懸寶鉞枯枝上
空灑瓊珠宿草間

人世相期那得見千年應作鶴飛還

弔李空同先生

空同先生之風予慕之久矣無由一見比以
謫官稍遷汴省獲訪故廬而先生冢子伯材
亦辱過從之雅故末句及之

大梁竣罪異長沙託賦河流比汨羅明月投人遭按劍
陽春驚衆寡賡歌幽局路閉黃鐘絕副寫書藏玉屋多
論次舊聞應有泣史談舊業竟如何

蘇門山

性愛名山恣懶頑每逢佳嶽便開顏岑峯忽躡蘇門頂
清淺兼臨泉水間地勝絃觴寧為賞心閒魚鳥却相關
坐思善嘯巖栖者不得神遊接往還

百泉

名泉千派遶共山匯作共池碧樹環外物都從泉上淡
中心獨向樹邊閒鷗鳬羣戲翻珠碎荇藻叢生點鏡斑
此地真宜授袂隱堪悲朝往夕來還

送胡中丞可泉西歸

廣野微塵柳眼青衣冠飲餞一城傾還家且有藏書富
解組真同脫躡輕路出崤陵桐樹盡旌飛灞岸嶽蓮迎
歸田賦就身猶繫因送將歸客念盈

時某方有乞歸之疏故末句云

送竇憲長入覲

離亭杯酒日初曛征馬長嘶首北雲為畏簡書三載覲
自陳功伐四聰聞試言定拜綸音重錫宴應沾御醴芬
欲問風裁清海岱但看滿路雪隨君

送正郎之留都

秦淮綠水石頭城此去遙知愜宦情
望國定瞻龍虎氣登臺試覩鳳凰名
風流却值山川壯形勝應逢賦頌成
憑君莫自傷留滯漢室由來重二京

承西亭惠梅愛其香色賦詩

一枝疎淡在銀瓶
虛實蕭條冷氣生
近嗅幾迴憑小几
貪看數起繞空楹
支離形影元相得
寂寞心魂轉自清
却想前人東閣裏
孤花同賞不同情

詠折梅用前韻

月掛疎簾水滿瓶一枝誰折報春生肯辭帝子分瑤圃
來與幽人伴素楹香雜藏芸飄帙細色侵囊雪入幃清
漫唱巴歌投郢客引商流徵也同情

雲東次前詩用韻再呈

盈盈素質映銀瓶誰識仙葩此寄生初滿室時風入戶
正宜人處月窺楹况逢高韻能同好未許幽襟抱獨清
共指羅浮山上約便堪脫躡世中情

李少泉見投折梅之詠用韻奉答

紛紛百卉盡為臣，讓却花王占斷春。
對雪閒吟巴里客，折枝相贈大梁人。
微香偏觸觀書夕，疎影宜看置酒晨。
異室同心投秀句，獨憐如玉不能親。

荷亭讌集用龍雲東臬長韻

南薰扇物夏初深，久廢歡娛為客心。
共得池臺開遠賞，時將絲竹間清音。
微風澹蕩輕炎暑，竟日淹留到夕陰。
此是梁園歌舞處，因抽兔管命同襟。

壽王間齋

不好為官早乞身
翛然平世作閒人
林中築室知山性
窻裏焚香養谷神
絳老六身推甲子
椿年千歲是青春
清泉白石長無改
應與先生結德鄰

贈李介石徵君

廉似於陵不灌園
形骸都喪我偏存
機當自適宵為蝶
樂少人知曉負暄
笑却龐眉謀漢貳
嫌將清耳污堯言
獨嗟太白非愚質
願事陽居學食猿

同陳瑞山蔡可泉遊覺海諸山

吾生寡好獨耽奇更接良儔汗漫期嘯向空山成節奏
行窺止水鑑鬚眉坐茵每藉林中草解珮時懸石上枝
顧謂同心高蹈者便堪脫躡視妻兒

由覺海寺訪龜石巖路中作

迴環疊嶂欲迷方來往微通一徑長恠鳥啼多山更寂
閒花落盡樹還香鳴泉數處褰衣屢側石千盤策杖妨
沉病嬰身形已廢獨於遊踐力能強

訪何默甫文學讀書山房何兼授徒

一室閒開向翠微，獨諧幽意託垂帷。
手中編絕緣披慣，舍後園荒為懶窺。
林木栖雲陰講席，山泉帶雨漲書池。
帳前弟子無休暇，共說身親樂事師。

訪王間齋山居賦贈

新晴巖壑翠成圍，多暇丘原草木肥。
坦卧空林花墮腹，行穿曲澗水濺衣。
簷楹半着煙霞氣，鷄犬都忘世俗機。
一款幽居生靜逸，因思家在市廛非。

寄黃小竹遂昌

聞君領縣括蒼東，瀟灑為官有道風。
每夜猿聲如舍裏，四時山色在城中。
薤間置水姦皆息，花下鳴琴訟自空。
遙憶潘生多暇興，欲將佳句覓來鴻。

聘魏山人卜先大夫葬地同行山中作此呈之
苦披喪禮不能終行，抱深憂路若窮地。
上菁莪皆是蔚林間，高樹易多風。
肖柴病骨擔難弛，絕線愁腸火更攻。
居倚前廬何日反，欲憑仙術禱楊公。

得東山吉地志喜呈魏山人

芳名表地記東山佳氣氛氲曉夕攢水學之流成九曲
岡如龍躍自千盤天地應為今日待神奇寧許世人看
不緣抱痛祈靈術誰識明師一遇難

送江山人

山人資術恣浮沉妙得山高與水深地理直從分野辨
河源真笑鑿空尋折枝林裏成穿杖舉袂人前表合襟
已學蒙莊儲葬具明師相遇若為心

寄贈王秀才客遊括州

猿狖千山易惹愁，嗟君聘轍為誰留。
貂裘已敝書難上，狗監未逢賦枉投。
為客應多迎解榻，此身且作汎虛舟。
高林豈恨行遊滯，侯貴如今重谷樓。

送陳西巖山人兼寄蔡鶴山徵士

自將形質混塵煩，獨有風神衆所尊。
託意偶談山水事，好遊不謁貴奢門。
道存已解遺身世，客倦猶思返故園。
遙憶一丘歸老處，惟應禽尚晚相敦。

贈魏山人

人人道是郭先生
測隴窮支到窈冥
流水去來無遁性
諸山向背盡分形
手中青杖標千法
袖裏囊金著一經
願禮明師求片語
愚蒙何以假仙靈

挽蘇秀才

少年詞學盛朋遊
賦命乖違與事仇
抱志竟同川水逝
生才偏使玉樓收
托孤內友猶玄髮
哭子慈親正白頭
每把奇文思似玉
泉臺冥漠見何由

送陳司訓奔喪還嚴州

搖搖心曲似旌懸望市過城益黯然力盡重趼行嶺外
眼摧雙涕灑江邊猿啼於越千峯雨星帶嚴灘獨夜船
舊日門人來卒業經中應廢蓼莪篇

送何叅議分守承天

當年白雪流歌地此日黃圖啓錄基代卜共瞻龍起處
紛遊猶記鴈飛時離宮草樹豐馳道原廟衣冠闕奉祠
最是聖情勤遠念榆鄉節使選材移

翁以時新移所借育泉里莊氏之宅

移居寥僻遠城隈自說近人易染埃愛物還將鷄犬去
悅生好取菊松栽却笑非公家是寄毋庸謝客戶任開
白衣教令知來徑欲遣清醕就綠杯

歲首與道鄉偶集月臺寺同道原舍弟

閒行曾不記春芳忍草當堦忽已長綠茗煙中消病力
紅蓮焰裏惜年光求聲鳴鳥知聽法承萼開花好近香
懺悔便從今歲始相期禮足奉空王

春日登城同舍弟道原

春城曙色曉葱葱步履危墻已好風萬井遙分初日下
羣山微見遠煙中歌鐘乍動高門閉車馬相從大路通
不悅紛華惟小謝愛余涼躡本來同

城樓與舍弟書事

城中多事厭招隨獨上高樓愛弟攜林果垂枝攀讓實
檻藤布葉取賡題朱旗日閃青原靜畫角風生暮野低
最是忘歸心會處桃花新吐草催齊

精舍與原弟夜坐論詩

家貧春日獨無營
虛館相看兩弟兄
窗外方池知雨罷
城頭片月帶雲行
情諧語笑忘年長
興入篇章覺夜深
還就空齋成寤寐
池塘春草夢中生

元夕獨坐

幽居猶惜歲崢嶸
獨坐迢迢忽二更
遙夜紛華千品動
空堂寂寞一燈明
魂消舍北笙歌發
心靜門前車馬行
頗被時人譏寂寞
胡然閉戶古先生

論學示友人雜詩 十首

充塞乾坤惟此理更無古往更無今一腔子是陰陽會
七尺身為天地心本是完成寧用補元來無失不須尋
此語驟聞如未信但將此語細沉吟

中立亭亭四不偏何人識是靜時專此形而上方名道
未盡之先自有天尋逐必然終入俗虛堂寧免誤淪禪
莫向其間求可執前人訶破謂無權

俗學牽纏醉不醒而今指破與君聽沉迷傳註何殊蠹

依倣科條即是伶過轍却來尋軌道辭家翻去傍門庭
宣尼若曉令人學應悔當時著六經

天付於人有此身此身用處是元神眼底自能分黑白
舌端也會別鹹辛求添一物偏多事巧出千般總離真
但信本來渾具足先生何用太諄諄

汨沒近儒文義教一生機枉速飄風却行翻訝身居後
兩聽虛疑耳不聰神化何曾離日用經綸元只在淵衷
從今游行高明地始免徽纒與棘叢

至道之精豈着言聊將言語訂迷頑心思起處先離位
聲色大時更沒關昭氏鼓琴成毀際輪人斲木苦甘間
此語諸君如善聽清源山即是尼山

埋沒精神鑽故紙世儒拘陋信堪羞專從事業尊堯舜
直以能多識孔丘懸想一生思出位勞心終日困旁求
沉綿此疾真成癩苦口良方誰為投

好徑人多道本夷自為煩苦自支離省存判截靜和動
先後分開行與知敬義夾持寧免二誠明兩進已成岐

當時呼得曾參唯一貫之餘費甚詞

筌以求魚蹄取兔兔魚初不在筌蹄畫舟訪劍將何得
買櫝還珠亦太迷北馬健行知作用潛龍不拔識端倪
古聖我思心實獲美人遙在一方西

充盈象器極高深要識惟微是道心何處天明非出王
未形神鬼已昭森尸居寂寂偏龍見暗室冥冥有日臨
請驗此時真太宇豈容一物妄相侵

送俞志輔赴闕自效

漢家征虜羽書飛壯士貪恩覺命微手拂龍泉生勇氣
胸藏豹畧暢兵機將屠吐谷收蒲類願逐輕車出武威
侯印累累酌死戰莫愁少婦泣羅幃

文上人房餞徐山人

久耽幽獨類名緇送客還同惠遠期繫勒好嘶香草地
垂楊偏拂法筵枝杯行寂性生飛動袂惹空腸怨別離
從此看君分手去更無人復到茅茨

叅知筆峯宗兄將入京道出吾邑枉訪林居賦

此為別

已無迎送絕人羣
猶復杖藜出候君
耳洗嫌因聞世事
頭風喜得誦新文
山中偃息慙龍卧
陌上差池惜鴈分
莫怪臨岐頻悵望
有誰人肯訪閒雲

哭朱徵君

斲木已逃斧鑿災
又隨流水逝無迴
每看佳句收詩卷
猶憶清言接酒盃
蟲污殘編塵几暗
猿吟空帳石林哀
可憐幽徑荒松菊
獨向黃泉歸去來

送俞郡入覲

聖堯為帝正垂衣高闕四門納九閭鸞珮再陪鵷筵入
隼旗却向鳳城飛筵開白玉傾心醉賜出黃金拜手歸
講德著書名樂職應看歌頌徹彤闈

送汪大尹入覲

作吏如仙有道機雙鳬遙向玉京飛爐烟遶處瞻天表
綵仗開時就日暉理却橫琴調舜曲持將製錦補堯衣
繁花滿縣含芳待好帶天邊雨露歸

題畫扇小景贈顧濱洛

齊紈裁扇月形同點染丹青出化工雲氣淋漓疑帶雨
水波搖漾不關風高低萬樹毫芒見遠近千山咫尺通
却怪主人多好事置身長在畫圖中

挽黃一崖

嗟來桑扈返於真笑寄人間八十春相鶴經間窻映月
刻鳩杖倚壁生塵獨遺一世同蟬蛻深入重泉治鳥伸
從此江邊鷗不下祇緣失却忘機人

贈章三洲

高才早戴惠文冠，驄馬瑤珂白玉鞍。
袖裏諫書人不見，朝端簪筆衆爭看。
一封承譴君門遠，萬里投荒嶺路難。
折翅鵬鷹仍養翮，清秋霜漢待高搏。

訪陳丹峯秀才讀書處賦贈

閉門開卷日何長，草木萎黃又見蒼。
坐榻幾穿當膝處，飛螢多入照書囊。
荒庭鳥跡翻朝几，古寺鐘聲到夜床。
攬鏡莫須愁鬢髮，凌雲終自達明光。

薛南塘移居走筆奉東

頗怪日來來往疎因知迫歲始移居徑闢三條同蔣詡
家存四壁類相如飛螢入夜疑新案巢燕春還訝換除
借問儲物何所有圖書滿篋麴車

寄施文山

問君何日滯明時直似朱顏節素絲遠謫長違天北極
量移猶向海南涯猿聲到舍初休吏榔葉飄庭正寫詩
玉體清羸應近藥朝食努力慰相思

唐翠軒見過

蒙密城西仲蔚園鷄鳴樹杪類荒村已無奇跡驚斯世
猶有高人到此門蕉葉聲中欣對雨莎茵藉處愛移尊
與君且盡今宵興莫聽堦前蟋蟀喧

紫峰先生祠于鄉賢謁拜作

閨歲如川寧免逝惟應名跡不同泯獨行身後興吾黨
沒祭社中是此人桶刻施丹巖設像池形類壁奉游神
自慙未死頑簷質兀守殘經媿後塵

訪郭白峯山庄不值留題二首

東郭先生真好靜
柴扉聊寄碧林間
青山舍後經秋老
流水門前盡日間
禾廩不茨禽共食
松巢無擾鶴知還
一廬欲買相從隱
此地由來可閉關

高人好尚在田廬
物物幽奇事亦疎
雲護籬中曾採藥
風吹牀上未收書
草間遺籍農談處
石畔殘樽蜡飲餘
徘徊欲去還題戶
凡鳥深慙我不如

小身巖

白雲何意忽相招轉盡蒼崖更渡橋怪石似將凌傲岬
凋林偏與對蕭條獨行幽谷惟聞鳥欲問前峰偶值樵
疑隱此身須早計莫令桂樹葉先飄

慈雲院

新裁巧製成雙屐試選名山故一登遙聽鐘鳴翠微半
直看花到最高層眠鹿決起驚人語飛鶴來窺證佛乘
不覺塵心銷釋盡空林晏寂只如僧

送張月洲往南雄訪陳雙山陳時謫為南雄郡

丞

萬山深抱始興城。問子胡為欲遠行。逐客未蒙環玉賜，
故人偏繫綈袍情。豈學臨邛因邑令也，嗤監里重侯生。
論文樽酒相逢地，上郡應傳有聚星。

送星士李子益

奇談巧中似君無。却把靈占過野居。久縱閒心遺失得，
寧憑閤術問盈虛。夕陽正值青尊盡，秋氣漸看錦樹疎。
莫向他人道名姓，草萊今已掩荒廬。

崇陽樓陪汪明府觀燈二首

交衢如髮敞高臺萬戶懸燈向夜開
身出半天星倒映人行下地漢翻迴
粧邊窈窕疑雲雨曲裏參差辨柳梅
鳬舄駐時陽艷發共言明府是仙才

千家門戶誇燈勝綴葉分枝巧剪裁
霜氣暗侵烟更暖風光微扇焰偏催
歌隨游騎將塵去人似飛蟲撲火來
為問河陽花滿縣何如此地夜中開

胡雙華公以春興高詠見示漫賦奉答二首

芳草萋萋着處生
風烟客裏倍關情
高跡自看軒冕細
道心却向簿書精
荒城過雨青春暮
畫寢凝香白日清
最是玄暉多雅興
含碧岫句偏成

知君百物不關身
也復題詩惜去春
總為吏情嗟事迫
更緣鄉思惹愁新
坐對禽言聊共語
見飄花片亦傷神
疎頑敢謂能同調
却枉瑤緘示我頻

約齋劉公作壽藏戲東

超然高識有誰儔
不諱生前作死謀
百事都忘長脫躡

一丘預築待藏舟，親題幽石因山表。
選植名材統隧畱，只把兩間充塋具。
嘆君曾未似蒙周。

送史西厓守沅州

高材領郡武溪濱，莫畏蠻荒盛毒氛。
好變侏僂歸雅俗，更將清暇訪奇聞。
苞茅曾致齊人問，銅柱欲窺漢將勲。
小酉山中藏逸典，探幽應得覽玄文。

送陳秀才附驛往沅州

下帷兀兀不窺園，躡屩匆匆驛出門。
獨向五谿馳驛騎，

欲過二酉聽鷄猿携書偏與賓游別仗劍曾無妻子言
淑浦最悲騷客賦憑君一為訪幽源

吳默泉張鄒西二公遊清源山有作投示輒用
奉酬二首

鞅掌何人解好遊高才擁傳擅風流幽花帶雨紅初潤
密樹含烟翠更稠境勝况兼賓友美心閒正值海天秋
挾搗華藻流宮徵散入無諸古郡州

秋中佳色絕微埃身在高高氣象開縹緲海門蟠貝闕

氛氲天路出香臺
支離邑戍紛如點
破碎陂湖漂若杯
最是登高難作賦
諸公賸有大夫才

題九溪書屋贈姚生體乾

高才也有絕塵心
獨傍含漪闕遠林
竹屋數椽容偃仰
溪流九派匯清深
水光蕩几初開卷
漁唱過門正鼓琴
莫謾掩扉矜遯跡
未忘作賦羨知音

贈雙竹

君看種竹滿江南
獨在君家世所談
特植太孤偏有偶

叢生非貴又無三色搖兩翠祥烟裊影拂交陰淑景含
若取為筒清廟奏共言律品並裁堪

題寒泉精舍贈羅希周并柬其弟希陽君

精廬巧構事全幽最是才人解息游滿室吐芸千卷積
當堦鳴玉一泉浮含毫每玩霏霏灑行樂常通漚漚流
更向池塘滋細草春來佳句夢中求

贈姚體諧秀才

翩翩佳士氣翻飛蹴踏千羣血汗揮善說尚書宗伏勝

早攻文賦似陸機虛名枉辱藏懷刺形穢真慙側玉輝
但看才調如君者豈是衡門一布衣

送黃葵峰廣東巡海憲副黃舊為給事中

緩帶輕裘欲立勲書生獨領伏波軍陰符秘演五兵畧
寶劍光懸七曜文日照樓船銷海怪霜含節鉞淨炎氛
西掖聲華人盡識功成早入事明君

送程太守歸養

喜動心顏決棄官寧論皂蓋與朱幡功名薄是微臣分

乞請俞知聖主恩出入扶持蠲疾痒晨昏甘旨奉溫存
君家白日偏長永為有金花堂北萱

寄大梁高大

極目雲天間阻脩懷人日月易悠悠蓬池靜處堪舒嘯
梅萼開時每惹愁一日相思腸九折尺書應想見千憂
莫言行鯉難過嶺自有黃河入海流

宿萬石山道院

暮赴松門非為倦欲依妙境息奔波燈前鳴磬山中靜

石上流泉雨後多
秋氣漸深聞木葉
天機忽長在巖阿
躊躇未決投身計
荏苒其如老至何

送洪克晦尹淳安

銅章綰綬墨華明
百里堪言作宰榮
江出新安流過縣
山從建德遠為城
烹魚比政苛應免
帶犢喻人化自行
興革初然民吏笑
漢庭終說子康名

寄睦櫟西亭

最愛梁園脩竹館
風流帝子獨翩翩
豪華却盡攻文苦

寵數偏能養性全
馬過繁臺誰可記
鴈飛蓬沼信難傳
山中桂樹偏翻甚
寂寞柴扉養暮年

送賓山居士還錢塘

祇說身同雲片閒
南遊何事亦思還
禪心已寄生滅外
浮跡寧存來往間
豎佛誰能酬一偈
持燈行且照千山
莫將空性呵難別
師去吾今又閉關

錢塘縉上人來泉見訪
值予卧疾不能見作此
投之

窻中伏枕蓬蒿長城舍荒蕪只似村消盡形容神獨壯
都無寢食息空存往時賓友全辭社結夏高僧忽扣門
莫倚文殊能問疾此中欲答已忘言

往日客錢塘住西湖頗久湖上山水藂林之勝
至今猶形夢寐因緡上人來喜而問之二首

客居久住西湖水水上諸峰已若家別後心情長欲往
夢中光景每多差蘇隄小柳成陰未逋塚枯梅坼枿耶
知爾新從湖上至故憑問訊莫相誑

昭慶法壇經幾戒淨慈禪院若為叅藕居花發何年盛
虎跑泉分孰處甘多少僧存靈隱寺有無人到紫陽菴
兩高峰頂誰常住擬欲從師一一談

山中書情寄孫毅齋學士二首

田園歲入課蹲鴟手裏閒持一釣絲閉口免教名月旦
縱形堪擬號天隨柴門畱鎖逢僧至蘿徑彈琴候客遲
滿腹飲河龜鼠樂翻思人在鳳凰池

本無高志謝鷺煩拙疾居然近嬾頑將母且堪耕負郭

聚徒因得訪名山春來道侶看花至日入家僮買藥還
黃鵠摩天掀羽翮白鷗江上意閒閒

閒居即事奉懷徐少湖學士二首

流泉迴曲樹扶疎頗有人朝尚白廬傍舍名山看不足
滿庭芳草懶教除談禪已別根三乘卻疾新傳髮百梳
當路追攀今念減何須不作故交書

悠然舒卷片雲孤寬褐偏增四體癯本為聞鐘驚海鳥
亦知在木即山樗閉門自著終堯問行路人猜效舜趨

致主唐虞公等在愛潛一谷更名愚

寄張淨司馬

兩足將窮五嶽春祇牽男女未成人求田清世宜遭笑
看竹間鄰每被嗔郡縣猶煩知姓字妻孥稍已近甘珍
同塵頗惹俗流毀不是高賢豈識真

寄曾前川

斬伐伐來竭壑岸却容大木卧江隈道路過逢徒駭睨
朝昏變怪競睚眦九成何日當營觀百尺通天未起臺

但保龍鱗蟠鐵幹輪囷終是萬乘裁

得鄒東郭書

歲月崢嶸何易除相看已是十年餘
鹿麋銜草思呼侶鴻鴈衝霜忽得書
百遍諷吟開七竅八行珍重比瓊琚
魯鷄善伏人爭赴鵠郊深慙我不如

得羅念菴書

欲使行蹤滿四方不知吳越定衡湘
樹陰陳禮寧遭伐旅次絃歌有負糧
疲曳已非希驥乘殷勤猶費記魚腸

未由躡屩追游轍門下將誰最簡狂

寄郭淺齋侍郎

大賢小隱卧山阿海內蒼生其奈何脫躡未應忘世事
懸車聊且養天和躍馬場邊看險地輕鷗江上狎晴波
鄙夫閒放能高論獨有年來漸覺多

吳雲泉見寄為携者中路失之

尺素春貽坐閱秋復言中路有沉浮祇應郢客疑燕說
不是殷侯懶置郵氣合形骸都已外神交文字亦何留

崇山表嶺限閩楚出水瀟灘空自流

得陳明水書客有談陳明水遭鄉人之侮者

初聞已駭妄相傳談久令人一悵然忠孝空聞行貌貉
安便猶不在林泉讒譏欲點偏為濯事變侵磨亦試堅
始識道心能自勝豈容小腹料高賢

寄吳默泉行部漳州

看君纓紱是柴羈行部瀟然何所為白雨乍飛休吏頃
青山每對按人時道心閉閣真如水秋興登樓偶得詩

恬泊應言無與共幽懷却有野夫知

答劉梅園侍郎見寄劉公大庾人因以梅為詠
豈少閩山梅萬樹不如庾嶺一枝春風霜郵寄香猶昔
琴冊伴栖賞更新愛翫何曾離座久清孤長自想丰神
胡為鼎食虛調味徒使餘芳及鄙人

寄江午坡

傳道薌溪肥汝遁經年門外可施羅溷塗置筆將成賦
巖谷生芝故作歌世事不知流澗水歲華空見老庭柯

山中蕙帳人長在
夜夜應聞鶴唳和

答周成山見寄

可嘆當年賢吏部
不防讒間失高名
危機駭發曾誰料
抗節獨行已自明
棄置堪憐終白首
沉淪無復念蒼生
欲知吾道今何在
坐席從教野老爭

寄顧左山

年來漸喜世情微
發嘆浮生未有歸
鍊石猶知食訣誤
雕龍偏悔著文非
遂令白日難空遣
坐恐華顛欲就腓

愛爾陶然東海上一竿無羨據苔磯

寄唐荆川二首

條然於世有何心共說丈人似漢陰把釣行臨芳芷岸
採樵時諷紫芝吟暑時暴麥常忘雨園裏鋤蔬不見金
四體長勤多鄙事道情寂寞自知深

銅官山下一溪橫知爾獨多山水情最喜愛題蕉葉盛
不憂長餓蕨苗榮節垂日月嫌高甚思挾烟雲苦瘦生
閒倚槁梧應自笑本逃名却近時名

寄留都勲部洪芳洲

秣陵畱滯一郎官終日趨曹亦閉關善補凋羸惟簡帙
勉娛涼踞有江山宦情聊寄鼓琴裏詩句常刪騎馬間
都說林泉宜散逸野人知不似君間

寄顧洞陽

水遶綠蘿莊似畫釣臺閒著木蘭船琴聲初歇月掛樹
蓮唱微聞風滿川掩卷看山心不繫題詩示客意難傳
聞著新文名應美亦知胡老已華顛

寄陸北城

芳草春風處處吹相看數舍起勞思人過戶外常盈屨
士向談間盡解頤且樂青芹香冉冉莫教白雪髻垂垂
有文不遇工何益知子良非一卷師

送康盤峰廣西叅議

握符制遠分藩重露冕臨人列郡欽節下州官多卉服
歲中牧貢有蠻金九疑曉望烟如畫八桂冬榮雪滿林
銅柱標南猶奉朔漢家雨露本來深

和程郡侯游清源山作二首

山城春半煙光好為政風流解眺登盤辟偏尋泉畔石
攀援每值古時藤名花踐遍香沾吏法倡吟成寫與僧
誰言朱紱能相繞即此丹梯已可凌

使君清興在高樓滿目浮雲向暮收天遠滄溟孤嶼出
日斜極浦片帆投藤蘿半壁垂依隼銑吹中筵驟起鷗
正是心和多暇豫當杯莫惹離鄉愁

九月十五日黃東石招遊北山石室陪西川郡

伯用韻

九日忽然過六日好遊可不惜流光最憐賢主能開宴
賴有佳賓肯愛狂怪石解衣塵氣淨名山對酒野情長
便拚登覽窮茲月豈必重陽萸菊芳

和月中即席之作用韻

望在秋時惟此夕月於勝地更能孤諸山環寂微生籟
大海浮光駭弄珠瞰遠纖毫形色盡憑虛半點侵氛無
願從太守娛清夜五馬騶人莫遽呼

中秋夕東樓宴集用韻

關山鴈過晴天迥涼氣偏成鼓角哀
岑寂欲尋娛目處風流相命上樓來
井參浸漢金波漾雉堞窺湖玉鏡開
滿席瑤華依錦綺相看忍負手中杯

明月中天處處同清輝無似此樓中
賓僚盡倚蘭將玉烹炙真兼魚與熊
爽逼冠衣森浩窅影涵闔郭動冲融
一聲笛叫光零亂更借燈前舞袖紅

酬西川邵侯惜別之作用韻二首

達識如公令謝傅中年作別亦情哀且題藻句寬離索
莫問萍蹤漫去來老大勲名雙劍在疎狂林壑一扉開
臨歡預惜逢難再坐覺愁容照綠杯

題名猶記曲江同世事浮雲一槩中階墀袞袞榮軒鶴
郡解棲棲老試熊賦政賸將寬大布達觀坐使速淹融
有酒莫令杯裏淺無丹能駐臉間紅

奉和方西川公中秋夕與黃東石郡齋對飲之

作用韻二首

美夜清輝宜妙賞華筵選客有誰同悲秋忽見樓過鴈
愛月何妨軾畫熊玉鏡掛城看漏永金波倒海與天融
尊前自墜山如玉不用扶攜舞袖紅

佳期三五仍秋半月色中天自不同舉酒聊將酌顧兔
當歌寧復羨非熊郡齋下榻緣徐孺客座芳尊接孔融
皎皎銀盤懸綺席華顏照見兩殷紅

得陳華山書

柴門曲巷跡如何車轍時時碾雀羅蒲疾自宜形貌惡

匿瑕易使垢疵多已無心想交人事豈有文章致客過
何為汀洲賢太守猶題緘贈到雲蘿

送朱鎮山叅知蜀藩

雄藩奄履三分土風物聊將訪蜀都
旛建新文明鳥隼國談初
姓記蠶鳧江名濯錦流
偏麗山比脩肩秀獨孤
劍閣雙門如外戶旬宣彌覺盛王圖

寄錢洞泉以使事在嶺南

輔軒更為遠遊輕原隰光華阻使程
莫遣衣當犀瘴減

遙知句向蜃樓成間探仙籍朱明洞弔訪圖經趙尉城
共說交南多寶玉飲冰心膽自孤清

贈廖雲溪

聲如金石出謳吟肘見時因手捉衿被褐誰知懷裏玉
揮鋤不顧土中金流溪清處宜垂釣山月偏來勸獨斟
榮達紛紛輕老醜莫將臺笠愧華簪

送袁莪溪應召

飲冰高節有誰倫海郡祥刑自不冤折獄片言寧用費

守官三尺欲何思
立身會見登朝早
好諫還看致主尊
事業崢嶸闡闢上
可能有意寄丘樊

贈章心壺名醫

年來多病交游簡
半是名僧半是醫
本訪緇流叅佛乘
忽逢國士話黃岐
隔膚見膽神觀異
剝腹浣腸法術奇
獨賴值予未反走
此身料得尚堪為

投贈沈青門二首

今上好文如漢帝
多才似爾正同時
賦藏篋裏無人達

身老江干只自知落魄撿過輕貴勢流傳樂府悅名姬
婁卿唇舌何須掉且向東臬守故籬

荏苒流光髻已翁詩名少日滿江東過秦著論才何忝
入蜀論文命不同劍術徒看塵裏暗筑歌猶自酒邊雄
黃金臺圯時輕士慎莫潛身燕市中

兵會館赴靜泉公招陪南衡涵泉二公夜宴二
首

誰云州郡有纏牽自是高情接勝筵選地張油宜望海

建瓴瀉酒勝如川層城未闔娛遙夜列宿初稀美碧天
政務從容能好客一時良牧最稱賢

高館張筵壓海堧平臨極浦俯濤瀾洪流挹入黃金盞
清漢孤懸白玉盤席上鳴笳聊起舞風前秉燭更畱懽
振衣漸覺襟裾重忘却蕭蕭霜露寒

艾靜泉督造水艦初成獲縱觀其盛賦此奉獻
兼呈南衡涵泉二公二首

雄畧泐泐美郡丞英資真稱佐專城坐看整暇臨樽俎

自有威稜領甲兵
海戍天清煙不起
樓船風靜水微平
故引簪裾觀控險
共知制勝在銷萌

百尺高桅碧漢間
蒙衝樓櫓靜如山
真將餘氣凌窮髮
坐使馳聲懽島蠻
濤日吐吞增艦勢
干橓閃蔽壯軍顏
兼資文武人安堵
海上孤城畫自閑

寄贈陳汀州覲還治所

聞君新領璽書還
車上雙幡似渥丹
共理親題天語寵
借年重慰嶺民歡
嵐霏入郭衙常冷
木索栖庭政自寬

最是光輝人所羨為邦元季兩稱難

詠唐晴溪小隱

聊買一園成小隱高齋事事愜幽情
臨池終日知魚樂啓戶侵晨愛鳥聲
新筍漸抽勝釣竹垂藤因製掛衣桁
一塵不起心長靜門外何妨人自行

贈劉雪湖善畫梅

橫揮急掃豈無神巧奪天然了不分
清影疎疎渾欲動幽姿的的迥難羣
一枝時出臨山水萬樹爭看亂雪雲

別後相思休驛寄開圖長得對夫君

夏日憶泮池芙蓉東唐博士

方池繁葉碧攢文秀出鮮紅數朶雲
綠水含漪相映淨微風還度與揚芬
幽姿冉冉偏難狎挺立亭亭自不羣
在泮歌遊宜對此誰知寂寞正思君

贈艾靜泉去官

送遠郊門若為心停雲黯黯起層陰
讒言熒惑堪銷骨宦業崢嶸竟陸沉
解印仍畱新字牘還家惟有舊攜琴

如弦昔嘆路隅置直道難行豈獨今

同吳泉濱遊靈源山紫雲室訪靜上人

千峰高處一峰深未到遙聞鐘磬音
徑路漸通難進步
山門忽覩已生心
色空轟轟迎窻岫
禪寂嚶嚶在樹禽
願與爾投廬遠社莫憑陶令傲東林
泉濱先生為縣令棄歸有陶靖節之趣而所居在靈源山下大興柴桑匡廬相類也

宿紫雲室同泉濱

中年頗苦病相侵
聊倚繩牀卧碧岑
枕席亦是人間物

寤寐自無世上心孤月中天風不起明星出海霧初沉
此夕攜君同一覺更無在昔與如今

龍南岡久謫不召詩以為嘆

恠爾謫居猶漢吏欲將孫子長官中地幽應隔陽光照
天遠宜無雨露通聽厭船齋喧駛市看頻島氣起蜃宮
已知直道非今好莫向時人嘆路窮

贈黃少泉書屋

精廬小構北山下三十六峰在眼前松桂翩翩留晚色

雲烟開歛發春妍鳥聲求友遷喬木魚藻行風舞翠連
期爾一經能自致豈將短檠負芳年

題少濱書屋贈金生

何處清輝最悅人若耶溪上鑑湖濱高齋結構氛都遠
才子風流意自親靜夜琴心山水在芳春調興物華新
鳳毛會向靈池宿莫戀鷗羣狎渚濱

哭黃應初山人二首

碧山長在人何處豪氣杯中恍可尋靈魄應隨遼海鶴

遺風猶寄廣陵琴，同盟猿猱驚多夢。
舊撫松筠，怨獨陰佳句，卷中時把翫，堪嗟已是古人嗟。

舉尊酌汝知何用，涓滴曾流地下無。
星象還天，仍是酒姓名著谷，定稱愚解醒，誓婦畱，今語藏畫，誇神守故厨。
返幾桑扈真長已，雙淚空垂楊子朱。

酬詹晴溪疾愈見貽之作

抱疴忽自長天機，四體新除去日非。
牀上方書閒未掩，爐間藥火撥猶微。
著衣始覺腰圍減，覽鏡偏驚鬢髮稀。

應笑拘拘令尚爾不如桑扈返於幾

得家兄病後手書

半年尺紙抵千金細認緘題手跡真字裏諄純論離別
毫端揮灑識精神沉冥起後情思迫憂患經餘意氣新
誦與兒曹相解曉起居堂上慰慈親

訪吳泉濱先生山居賦此投贈

家在深山非避秦相尋正及桃花春迎看道氣眉間異
暗接心期語下親草木欣時同我悅鷄豚得性與人馴

好栽五柳垂門外
雪棹重來免問津

生日自述二首

早脫風波難料跡
尚存溝壑未填身
朝昏賦芋憐狙輩
寥廓翔鴻笑弋人
出戶漸看栽柳大
行園最愛藥苗新
欲知晚歲棲遲意
海上鷗羣已可馴

歲月悠悠不自驚
徒然長大有何稱
讀餘舊冊須頻閱
悟後微言却忘磨
載酒偏多尋字客
翻經每枉住山僧
從今雙眼看人世
倏忽浮雲幾變更

章三洲見寄清朝述遇圖冊作此奉答

虛室齋心無一物，猶然懷遠念伊人。
正攤竹簡翻羣蠹，忽枉瑤緘躍尺鱗。
事跡瑰奇圖繪設，生平感激染毫新。
鄙夫久斷浮華夢，今日看題畏蕩神。

寄贈周澱山太守

莆陽太守何淹滯，獨把一麾老嶺陲。
不慣逢迎遭客謗，耐消皮肉捄民饑。
中堂空設懸魚索，內舍曾無問絹兒。
與爾固然殊出處，論交此日最相知。



遵巖集卷六